

## **Belanjawan 2025 Memperkukuh Pelaburan, Bakat dan Pembangunan Infrastruktur di NCER**

**Pulau Pinang, 21 Oktober 2024** – Pihak Berkuasa Pelaksanaan Koridor Utara (NCIA) menyambut baik Belanjawan 2025 yang dibentangkan oleh YAB Perdana Menteri, Dato' Seri Anwar Ibrahim, menetapkan rangka kerja pemikiran ke hadapan untuk memupuk pertumbuhan ekonomi yang mampan, menangani ketidaksamaan dan memacu inovasi.

Ketua Eksekutif NCIA Mohamad Haris Kader Sultan berkata, “Tumpuan Belanjawan 2025 terhadap sektor kritikal seperti teknologi, tenaga hijau dan infrastruktur sejajar dengan Pelan Pembangunan Strategik Wilayah Ekonomi Koridor Utara (NCER) 2024-2030, yang bertujuan untuk meletakkan NCER sebagai sebuah peneraju dalam industri bernilai tinggi, terutamanya dalam sektor semikonduktor, tenaga dan teknologi pertanian.

“Sebagai pemacu utama dalam memudahkan pelaburan dan memastikan pembangunan ekosistem perniagaan yang komprehensif, NCIA teruja dengan fokus belanjawan terhadap pembangunan bakat. Melalui inisiatif Advanced Technology Manufacturing and Packaging (ATMP) kami di bawah NCER Technology Innovation Centre (NTIC), kami komited untuk menyokong peningkatan kemahiran dalam industri teknologi tinggi.

“Usaha ini, yang difasilitasi melalui kerjasama industri-akademik, akan memastikan tenaga kerja kami dilengkapi dengan kepakaran termaju dalam bidang seperti kecerdasan buatan (AI), robotik dan teknologi mampan. Inisiatif ini adalah penting dalam menyediakan NCER untuk pekerjaan berpendapatan tinggi dan industri masa depan yang dibayangkan dalam Belanjawan 2025,” tambah Mohamad Haris.

Tambahan pula, Centre of Excellence (COE) di bawah NTIC memainkan peranan penting dalam pembangunan keupayaan Perusahaan Kecil dan Sederhana (PKS) tempatan dengan memperkasakan mereka untuk diintegrasikan ke dalam rangkaian bekalan sektor bernilai tinggi. Ini penting untuk mewujudkan ekosistem bernilai tinggi dan pertumbuhan tinggi yang teguh yang menyokong inovasi serta pembangunan ekonomi mampan di seluruh NCER.

NCIA juga mengalu-alukan pengenalan Rangka Kerja Insentif Pelaburan Baharu (NIIF), yang memberi tumpuan kepada aktiviti bernilai tinggi dan limpahan ekonomi kepada negara. Selain itu, penubuhan Kluster Ekonomi yang disesuaikan dengan cadangan nilai yang berbeza bagi setiap negeri, termasuk tenaga boleh diperbaharui di Perlis dan Sabah dan industri kimia khusus di Pahang dan Terengganu, akan memacu pertumbuhan di peringkat wilayah.

Insentif cukai berdasarkan limpahan ekonomi, yang diperkenalkan merentasi 21 sektor ekonomi di negeri seperti Perlis, Kedah, Kelantan, Terengganu, Sabah dan Sarawak, merupakan langkah penting ke arah menarik lebih banyak pelaburan dan menggalakkan pembangunan wilayah yang saksama terutamanya di Kawasan Kurang Membangun (LDA).

NCIA juga mengalu-alukan inisiatif infrastruktur utama, termasuk Lebuhraya Bertingkat Juru dan Sungai Dua di Pulau Pinang, yang dikenal pasti di bawah Pelan Pembangunan Rangkaian Lebuhraya (HNDR) 2030. Projek ini penting untuk mengurangkan kesesakan lalu lintas di Seberang Perai, menggalakkan pembangunan sosio-ekonomi yang dipertingkatkan bukan sahaja di Pulau Pinang tetapi juga di Kedah dan Perak.

Selain itu, penubuhan Taman Perindustrian Hijau Bersepadu Kerian (KIGIP) di Perak Utara akan memberi impak sosio-ekonomi yang transformatif di seluruh wilayah, memberi manfaat kepada bahagian selatan Kedah dan Pulau Pinang. NCIA komited untuk memudahkan pelaburan hijau di KIGIP dengan memupuk ekosistem perindustrian yang kukuh berpaksikan bakat dan inovasi melalui inisiatif NTIC kami.

Komitmen Belanjawan 2025 terhadap ekuiti serantau dan pengagihan manfaat ekonomi yang saksama di semua negeri NCER sangat bergema dengan misi NCIA untuk meningkatkan komuniti di seluruh Wilayah Utara. NCIA tetap berdedikasi untuk bekerjasama rapat dengan Kerajaan Persekutuan dan Negeri serta rakan kongsi sektor swasta untuk memacu inisiatif yang akan memastikan NCER menjadi hab yang berkembang maju untuk inovasi dan pertumbuhan yang mampan.

Dalam pada usaha melancarkan projek yang meningkatkan ekonomi tempatan dan meningkatkan pendapatan komuniti, NCIA terus komited terhadap aspirasi Malaysia MADANI untuk menjadi negara yang berdaya tahan, inklusif dan berpendapatan tinggi.

Untuk maklumat lanjut mengenai NCER, sila layari laman sesawang NCER di [www.ncer.com.my](http://www.ncer.com.my).

**-TAMAT-**

**UNTUK MAKLUMAN EDITOR:**

**Berkeanaan NCIA**

Pihak Berkuasa Pelaksanaan Koridor Utara (NCIA) telah ditubuhkan di bawah Akta Pihak Berkuasa Koridor Utara Pelaksanaan 2008 (Akta 687) sebagai pihak berkuasa yang bertanggungjawab untuk menyediakan hala tuju dan untuk merangka dasar dan strategi menggalakkan dan mempercepatkan pembangunan Wilayah Ekonomi Koridor Utara atau Northern Corridor Economic Region (NCER). NCER merangkumi negeri-negeri Kedah, Pulau Pinang, Perak dan Perlis; dan diketuai oleh Encik Mohamad Haris Kader Sultan selaku Ketua Eksekutif.

NCIA akan terus memacu evolusi NCER ke arah menjadi rantau sosioekonomi kelas dunia dengan memangkinkan dan melaksanakan program pembangunan nilai tambah dalam inisiatif-inisiatif strategik berimpak tinggi, terutamanya melalui Sektor Pembuatan, Sektor Perniagaan Tani, Sektor Petrokimia, Sektor Perlombongan, Sektor Ekonomi Hijau, dan Sektor Perkhidmatan (termasuk Pelancongan, Logistik dan Perhubungan; serta Ekonomi Digital).

Sila hubungi:

<b>En. Fairus Kassim</b> Pengurus Jabatan Komunikasi Korporat NCIA E-mel: <a href="mailto:fairus@ncer.com.my">fairus@ncer.com.my</a> No Tel: + 019-3272507   GL: + 604-502 0708	<b>En. Ariff Ahmad</b> Ketua Jabatan Komunikasi Korporat NCIA E-mel: <a href="mailto:ariffahmad@ncer.com.my">ariffahmad@ncer.com.my</a> No Tel: + 016-3288944   GL: + 604-502 0708
---	--

Untuk maklumat lanjut, sila layari <http://www.ncer.com.my>